

梅花字字香

附校 補校 稿

玉

山

璞

稿





謝道韞字令徽
上巳遊修禊

玉
山
璞
稿

顧
瑛
撰

中
華
書
局

叢書集成初編

梅花字字香（及其他一種）

中華書局出版發行

秦皇島市資料印刷廠印刷
（北京王府井大街三十六號）

一九八五年北京新一版

開本：七八七乘一〇九二毫米三十二分之一
統一書號：一七〇一八·一五一

玉山璞稿

此據讀畫齋叢書
本排印初編各叢
書僅有此本

玉山璞稿

至正甲午

春暮有懷琦龍門。兼呈于匡廬、袁子英、春草池綠波亭上作。

玉山顧瑛

綠波亭上風光好。水荇菖蒲叢雜生。出林柳花作團去。放子鯉魚成隊行。美人不見有新夢。春事欲歸生遠情。明當與君洗大白。濁酒百壺相對傾。

董孟起參政領水軍副都萬戶開水軍府事。二月廿三日。以瑛佐治軍務。留海上。索詩。口占奉呈。燕領將軍虎豹顏。去年殺賊下三關。筆端草檄千鈞力。馬上開弓一石彎。定賞名標丹鳳辰。論功身在紫薇班。今看耀武回滄海。日日從軍奏樂還。

張仲舉待制以京中海上口號十絕附鄭九成見寄。瑛以吳下時事復韻答之。

估販年來不受沾。徒勞蹤跡走通衢。祇緣盡要新交鈔。除卻天都到處無。帶號新軍識未真。攔街作隊動生嗔。官支爛鈔難行使。強買鹽糧更打人。白晝驚風海上號。水軍三萬盡乘濤。書生不解參軍事。也向船頭著戰袍。官鼓鞞鞞報二更。船頭風浪盡軍聲。不知海若緣何事。一夜顛狂直到明。冉冉長蛇漢水東。噓成黑霧滿虛空。腥風怪雨重陰底。化作黃蜂不是龍。

莫辯黃鍾瓦缶聲。且攜斗酒聽春鶯。河西金鱗新翻譜。漢語夷音唱滿城。
紅綠油牌去復來。長身碧眼更頽顛。口傳催辦軍需事。一日能無一百迴。
築得吳城易得摧。年年風雨繞蘇臺。農家盡患時行病。總爲修城染帶來。
紅纓白帽錦鞍韉。鐵甲金戈刺繡鞭。義士一千屯海上。自家供米又供錢。
和糴糧船去若飛。兼春帶夏未曾歸。用錢贈米該加七。納戶身懸百結衣。

官糴糧。美山東趙公伯堅也。公以江西行省檢校官來浙右。糴米十萬石賑饑。至是吳民苦於官糴。公一無所擾。而官亦不勞而集。瑛雖不才。敢傲白居易體作是謠。使吳民歌以餞其行云。

官糴糧。官糴糧。東吳之民日遑遑。去年今年來侍郎。凜凜六月生秋霜。官錢未給先取將。今朝十萬上官倉。明朝十萬就船裝。小斛較斛大斛量。吏弊百出那可當。輸錢索物要酒漿。磨牙吮血如虎狼。滿身鞭箠成痕瘡。郡侯視之泗滂滂。忍使吾民罹厥殃。實欲止之無計張。官糴糧。官糴糧。東吳之民無積藏。山東趙公來南昌。南昌殺賊如犬羊。賊雖解圍民亦荒。貧者守死富食糠。愛民誰如趙平章。手發官帑錢百囊。公既得之夜乘航。緣江通賊肆獍狷。操舟帕首來取攘。我公挽弓一石強。百發百中賊始亡。倍道十日抵蘇杭。誓不移文下官坊。微服民間身作商。指廩發粟酬其償。十萬月就民不傷。千艘萬斛如龍驤。黃旗赤幟分兩綱。南風開船若雁行。船頭擊鼓聲鏜鏜。六月牽江過鄱陽。新米未熟舊米香。江西之民無枯腸。官糴糧。官糴糧。粒粒盡是民脂肪。天子端居白玉堂。相君巍巍坐廟廊。紫衣朱服列兩廂。天門九重啓煌煌。豹

蹲虎踞嚴其防。覆盆不照日月光。誰能奏額奏帝旁。以公繼糧爲典常。東吳之民始安康。官繼糧。官繼糧。東轍西載道路長。去年押糧上蘄黃。今年五月未還鄉。安得風塵靜四方。羊腸蜀道成康莊。舟車所至皆來王。普天之民樂而昌。天子聖壽垂無疆。萬年千載不用官繼糧。

三月廿三日侍董大參巡海早發路漕

檄下遲明發。樓船似馬來。海空初日出。風急大旗開。武士森前列。儒生忝後陪。茲遊絕奇壯。直欲到蓬萊。是夜回宿海口舟中董參命賦口號。

夜半分弓哨海頭。千艘耀武發貔貅。旌旗影拂三沙曉。砲石聲懸萬島秋。六帥移文驅巨鯨。諸軍擊楫誓中流。回頭坐見辰星近。十日糧船達帝州。

題琴川趙實甫恭甫瑞蓮圖

紫荊樹下盆池好。一朵芙蓉並蒂芳。露井月涼棲翡翠。天機雲煖織鴛鴦。埴籥迭奏高堂樂。鸞燕雙開半面妝。喚取桃根與桃葉。蹋歌聯臂醉稱觴。

題深山蕭寺圖

潭潭古寺山中。迺是梁朝之道場。九霄臺殿起突兀。萬間金碧開煒煌。塔鈴風前作人語。天花靜裏生空香。青纓布□□可到。逕上翠微尋竹房。題宋徽廟畫設色仙山樓觀圖

宣和□子昔神遊。鳳駕行空過玉樓。此去有人言赤馬。□來無路逐青牛。分明長嶽通玄圃。想像方壺接十洲。□挹仙山作圖畫。瓊花琪樹不勝秋。

題龍門草堂圖就柬王仲立

龍門上人如已公。茅屋賦詩清興同。不知白衣者誰子。無乃玉山之老翁。長松飛花落輕粉。曲澗截山橫斷虹。聞道城中王給事。近日讀書居灤東。

倪元鎮畫梧竹圖附章心遠玄士見寄琦龍門爲題長詩于上璩韻以識

山人自愛山中宅。繞屋長溪深百尺。桐花委地曉風清。竹筍過牆新雨碧。東海倪迂真絕俗。牛角漢書鉏且讀。茅齋時有已公吟。□□□陳蕃宿思之。不見勞紳交。月□□夜深溪潮。畫圓忽□□案。碧梧翠竹如其漂。生產□□金有幾。門與□峯相對峙。我才獨小不成邦。作詩或借嵇康擬。龍門一別垂十年。客中又見秋□顛。滿懷契闊欲陶寫。好寄錫山龍縫泉。

題秋江釣隱圖

我愛長江上。蕭蕭八月秋。斷山當舵尾。落葉下船頭。風起青蘋渚。沙分白鷺洲。釣竿如可得。添我一羊裘。

次琦龍門過傀儡湖詩韻

秋波無煙淨。且空青槳搖。盪雙漁童。晴沙翠竹見湖曲。落日青山如剡中。鷗鳥翻迴蓮葉浦。菱歌忽起蘆花風。何時磯頭聽春雨。茶竈筆牀稱老翁。

送金文中常熟州吏滿陞庸司奏差

言偃祠前落木秋。擔簦負笈上行舟。盡言能吏瓜期滿。又喜英才水部收。青草岸頭啼布穀。黃梅雨裏叫鉤輅。農家際此愁如織。奉直承顏說得不。

題桶底圖

不數仙家狡獪功。戲將桶底搭蟾宮。豈知大地山河影。已在庖犧一畫中。

題曲江宮殿圖

千門宮殿鬱嵯峨。輦佳人翠畫蛾。江水江花流不盡。斷腸元在馬嵬坡。

題仙山便面

仙山蟲蟲下韓東。半入青雲半入空。記得玉笙鸞背上。相看都在月明中。

寫山居圖後

我愛山居人。青山在窗牖。朝耕隴上田。暮飲牀頭酒。門無索租吏。座有擔簦友。不知茲山中。著得我儂否。琦龍門與王仲立遊玉峯惠聚寺龍門作排律一首以紀。寫寄草堂。索瑛次韻。

瞰里古殿當澄江。中有古佛疎眉龐。山靈運石馴虎伏。老禪咒水神龍降。冷冷露下紗櫺葉。寂寂香團環。玲幢。竹筍出牆雲結戶。桃花夾岸石爲缸。龜鼉隱見蟠千礎。金碧參差絢八窗。我昔馬垂紅錦障。君今船繫綠楊椿。風清齋鼓三時報。月落晨鐘半夜撞。露布未聞郵驛過。霜華猶聽戍樓攰。淳于夢裏空爲國。曹

節詩中不是邦。歸去支硎亭子上。開籠自放鶴雙雙。

題徐公憲挾彈小像

絳轂裁春服。行騎白面駟。手中金彈子。切勿打慈雅。

寫龍門草堂圖

留客茅堂下。聯詩石鼎邊。呼童拾松子。同煮白雲泉。

家翁命題任月山五馬圖

月山道人畫唐馬。筆力豈在吳興下。此圖五馬更能妙。乃爲玉山居士寫。居士平生好奇古。投老讀書深閉戶。客來展卷閱權奇。颯颯秋風吹馬語。我聞大唐天寶中。朝廷不用凌煙功。中使傳宣下五宅。一朝並入連昌宮。望仙樓下花開早。妃子霞觴對花倒。五家沈醉夜歸來。夫人競國爭馳道。圉官牽過月明中。汗溝流血耳生風。當時圖寫落人世。至今粉墨傳遺蹤。君不見唐太宗。坐下六馬皆異龍。昭陵舊刻照落日。千秋萬歲垂無窮。

鏡歌十章并小序送董參政

至正十有二年。狂賊梗化。紅帕首者。勳數十萬。所在蠶起。廣平董公。參政江浙行省。由淮西率兵復杭城。平諸屬邑。戰昱嶺。殲羣醜。十四年春。詔開水軍都府於婁上。公領帥事。平海寇也。是年夏。復詔判樞密院。將大用矣。海隅鯁生。敢擬鼓吹鏡歌十曲。謹書隆茂宗。描曹弗與所畫黃帝兵符圖後。以寓頌美。

之萬一云。

克淮西言光蔡賊犯淮西。公率兵轉戰所向克捷。繼召班師復杭城并屬邑也。第一。
克淮西法羸越陣堂堂火烈烈介士奮捕賊滅杭城屹長江撤將用良兵用捷趙用牧東胡子漢用廣匈奴懾有永斯世垂勳業。

入昌化言既定杭城復入昌化殄羣寇遂參中書也。第二。

入昌化羣蠻降旗整整鼓逢逢凱歌還民樂康走馬報入中書堂。

克復於潛賊衆懼罪我師尚未集公徠許自新賊猶豫持兩端公乘怠卷甲疾趨梟賊降衆也。第三。
克復於潛推爾鈴爾發爾機協爾占短兵既接奇兵連擊其怠今渠魁殲武功烈烈民物恬聚立爾祠正義僉樂茲土永永年。

定安吉賊據千秋關襲我軍公令憑險投石發矢賊莫能支追數十里俘馘而還遂定安吉也。第四。
定安吉揚威靈市肆不易民不驚戢艱難致太平致太平凱嶷未數燕然銘。

攻昱嶺賊敗逃徽饒復集衆攻昱嶺公法八陣圖爲長陣亘百里遂殲羣賊也。第五。

攻昱嶺崖三關何物小子肆凶奸公赫斯怒八陣頒天衝地軸居兩閒白刃霜積火旗朱殷十有八戰殲羣蠻龍章來虎旅班憑關號呼毋以我公還我公其還四海永無患。

水軍開殄海寇也海寇公肆暴焚城邑絕糧道帝命開水軍府公領帥事三踰月而功成海宇乂寧

也第六

帝命開大府軍興若雲雷。鵝鸛激中流。蛟蜃潛海隈。萬弩洪濤平。金戈白日回。國儲數萬艘。飛越龍之堆。洋洋大東海。下視不盈桮。成功兩期月。內詔從天來。行人毋遮留。要見皇業恢。君王壽萬歲。我公位三台。巡大洋。言公開府。率水軍耀武海洋。濤風迅發。千艘竝舉。鯨鯢遯逃。不十日抵京師也。第七。巡大洋。略博桑。雷矢發。火旗張。列缺駛翼。海若藏。萬夫虎虓。千艘驤。不十日達帝京。聖皇悅。惟汝功。爾德爾輔靖四方。

驅海獠海寇既平遣黨襲暴民罷市公發令驅諸海外民情迺悅祠以祀公也第八

驅海獠。奠吳民。羣獠肆暴。吏不敢噴。公怒赫。令必申。獠惴惴。民忻忻。請罪乞自新。公威以武。撫之仁。吳民尸祝報德。無有垠。

海之平。賊匿海島。肆劫掠。麾水軍擒之。沈其舟。尸諸市門。海以寧也。第九。海之平。海以寧。挾長戈。批奔鯨。鱗角摧。毒霧腥。膏烏鹵。波不驚。我公開府功告成。挽海水。洗甲兵。

趣入朝貳樞府將大用也第十

趣入朝。四牡駢駢。赤舄几几。帝曰俞。安汝止。錫汝斧鉞。用輔我皇子。公拜稽首。受帝之祉。我土我民。爾安爾牧。粵千萬年。載諸史。

題鄭白鶴喬林遠山壁傲李協律體

鯉公脚踏紅鯉魚。鐵網截海鉤珊瑚。風海底起煙霧。濃綠斜飛隔塞素。影木花開九月秋。亂葉撇波如雨流。六鼉扑足三山舞。白鶴夜向西池語。

金華方道存鍊師。以張彥輔所畫雲松圖索題。就和卷中張仲舉詩韻。

金華有羽士。嘖道茲山中。據松拂朱絲。晒雲飛玉龍。手招皇仙人。排空下琳宮。白羊忽起立。萬壑生靈風。新秋夜坐有感。

蘋末微風起。虛庭夜氣清。河傾天際落。星近斗邊明。坐久新涼發。愁深百感生。豆花紅絡緯。相對放秋聲。錢思復汎舟過玉山。作詩見示。次韻以復。兼呈于匡山。

聞道書船過。槳行過湖詩。思十分清。幽人素有煙霞癖。之子寧無丘壑情。七月君王猶北幸。長淮丞相又南征。書生此日頭應白。無奈秋風策策鳴。

次琦龍門夜宿陳性之學舍詩韻。東寄陳性之訓導。時學中殿梁生紫芝故及。

廣文學舍清如水。故友相過氣味真。翠幕燈花寒作蕊。畫梁芝草淨無塵。清晨館下招諸子。長夜山中夢老親。我亦儒冠竟何補。願於東海作迂民。

寄題王孟德春雪軒

聞君帶雨種琅玕。只好稀稀數十竿。西寺故人同散逸。北堂阿母喜平安。春風細細開簾入。暗雪紛紛落座寒。他日錦衣多稚子。當軒下馬爲君看。

和幹克莊崇明三沙詩

三沙宛在海當中。隱見珊瑚樹色紅。神島由來連弱水。樓船欲去引剛風。東方日出樵人國。半夜潮生織女宮。卻憶題詩繡衣使。高秋曾過玉山東。

和幹克莊題崇明官舍詩

海上開官署。龍光夜獨明。居民雜吳楚。風俗異幽并。琪樹戎戎見。雲颿箇箇輕。飛塵如不到。亦欲去逃名。

和幹克莊題壽安寺詩

別島壓東溟。沙黃草樹青。金仙開紺闕。玉女降殊庭。龍鉢波心獻。蛟機雨外聽。乘槎從此去。爲結候潮亭。

和程小山春遊卽事

小隊行春簇錦鞍。海風習習射脾酸。雲閒僧寺鍾魚荅。雪後漁舟網罟寒。曉挹東瀛窺若木。夜瞻北極望長安。使君觀海難爲水。從此襟懷萬頃寬。

和程小山畱題壽安寺詩

公餘無事得相狎。每笑浮生有底忙。秋水魚龍歸澤國。春風花木護雲房。宵分東海安期棗。共接西池阿母觴。聞道樽桑有銅柱。長繩我欲繫飛光。

右前詩五首。崇明州朱庭瑞啓明二秀才來索和。刊入郡志。

予總角時。拜中岳仙伯於舍下。今已四十年矣。思之如神遊紫府。見陶隱居。累欲從之而不可得。今

讀錢思復先生贈其子于匡山詩。不能不爲之興懷。遂次韻寓意。呈思復匡山二先生云。

幼年曾揖浮丘伯。口談玄經坐瑤席。我家老翁師事之。授以神丹光五色。憶從海上接盧敖。汗漫騎鯨遊八極。至今佩劍瘞空山。夜夜龍光射蒼壁。高風可仰不可見。傳家只有牀頭易。鳳雛學道匡山中。羽服翩跹瞳子碧。片玉峯頭長往來。每歎世情今匪昔。錢塘故人七月來。共看新月如弦直。舉杯邀月來酒中。不知松露霑衣溼。山中之樂樂無央。胡爾遑遑若行役。作詩爲荅入山人。莫作身安車馬客。

秋興十絕呈錢思復于匡廬袁子英

廉纖小雨逗微涼。何處花風度暗香。愛殺一雙飛翡翠。竝銜秋色過漁莊。又見涼生白苧衣。秋光全比去年非。閑身得似梁三伯。日日玉簪花上飛。西風忽起白蘋洲。吹落芙蓉幾瓣秋。快雨過晴涼似洗。鵲鵲啼在水西頭。絡緯專秋軋軋啼。西樓坐待月明時。梧桐樹上無多葉。莫遣涼風口意吹。芭蕉細雨弄新寒。白髮高堂鏡裏看。無賴西風吹過鴈。背翻秋色上淮安。自愛玉山深處居。幽懷欲與世情疎。近來交際渾多事。始信嵇康嬾作書。颯颯涼風吹菱荷。虛庭正愛月明多。秋聲忽在闌干外。驟雨滿池鳴綠波。玉山雲氣接蓬萊。山下軒窗隔竹開。金粟池頭衣帶水。聲聲引上轆轤來。淒風冷雨最關情。灑向芭蕉不住聲。獨有一庭書帶草。秋來猶伴鄭康成。

溪上喬本老槎牙。上有灼灼凌露花。碧雲四合月欲上。啼殺爭棲無數鴉。

琦龍門爲王氏孟德仲立求賦秋林讀書圖詩

龍門一別三月強。忽然扣門登草堂。盛言王家好兄弟。皎若丹丘雙鳳凰。近向山中結書屋。屋裏藏書三萬軸。門前一樹紫荆花。堂背兩墩慈孝竹。時當林麓西風起。木葉蕭蕭打窗紙。簡編舒卷對新涼。深夜篝燈日爭晷。大郎學禮可立身。小郎學詩亦有成。樟之懿之賢伯仲。元方季方難弟兄。我生素有耽書癖。忽聞此言深歎息。未得扁舟逕造門。秋林漠漠遙相憶。邇來吳中閱閥家。養子不教從豪奢。白狐之裘紫駟馬。日日春風桃李花。從此荒嬉事輕薄。盡把□□束高閣。老來對客始面牆。卻悔青春不曾學。君不□機雲學舍小如舟。兄居東頭弟西頭。一朝同起仕晉室。雲閒名字垂千秋。又不見韓家學舍京師中。當門只種青梧桐。聯翩冠蓋可相望。舉世人呼兩相公。似君之家亦希有。十載讀書不窺牖。壯年才力正崢嶸。功名肯落他人後。聖元天子崇文儒。明年竝馬趨皇都。大字雙懸龍虎榜。爲君題作登瀛圖。

題龍門觀泉小像

龍門一罅通青天。傾崖束峽天梯連。白雲萬疊吹不斷。上護一脈清冷泉。泉飛如龍出山去。石梁倒挂銀河懸。下方臺殿起突兀。撞鐘擊鼓朝金仙。道人齋餘憩寂寞。身披袈裟袒右肩。面厓趺坐入水觀。大千一息秋毫顛。天風泠泠響天樂。舉頭忽散青松煙。何人畫法追龍眠。塗朱點綠分清妍。貌得空山定光相。摩尼下照驪龍淵。我今焚香三稽首。盥手摹勒青瑤鐫。嗟予鬢髮久颯然。未能解脫塵世愆。道人肯爲一懺。